



Government officials will never ask you to transfer money or disclose bank log-in details over a phone call.
Call the 24/7 ScamShield Helpline at 1799 if you are unsure if something is a scam.

Home > Newspaper Catalogue > Berita Harian > 1960 > February > 18 > Page 4 > Kampong yang terbiar sa-lama 7 tahun, kini di-bena sa-



Kampong yang terbiar sa-lama 7 tahun, kini di-bena sa-mula

Berita Harian, 18 February 1960, Page 4

Share

Save Citation

<< Previous Article Next Article >>

Kampong yang terbiar sa-lama 7 tahun, kini di-bena sa-mula

**KERAJAAN MEMBERI BANTUAN
UNTOK PEMBANGUNAN-NYA**

**Oleh
BAHARMAN**

JENDERAM ia-lah sa-buah kampong Melayu yang mulai di-diami orang semenjak akhir tahun 1958. Penduduk2 kampong ini dahulu-nya tinggal bertaboran di-merata cherok negeri ini. Sa-tengah-nya berasal dari Ulu Yam Baharu, Kuang, Gombak, Sungai Penchala, bahkan ada juga yang datang dari ibu kota Kuala Lumpur. ...



Mereka di-usir dari kampong itu pada 15 February tahun 1951 akibat Undang2 Dharurat. Dengan perintah Penguasa Tertinggi Angkatan Darat ketika itu, penduduk Jenderam yang sa-ramai 1,500 orang itu telah pindah beramai2 dengan hanya membawa harta benda yang boleh di-bimbit sahaja.

SUNYI SEPI



Semenjak itu kampong Jenderam yang terkenal kaya-nya dalam negeri Selangor telah sunyi sepi. Dari sa-buah kampong yang kaya dengan hasil pertanian, jadi-lah ia sa-buah kampong yang miskin dan tidak mempunyai penduduk.



Kira2 tujuh tahun kampong itu tidak berpenduduk. Tetapi penduduk2 yang chekal itu tidak pula putus asa. Pada 21 July tahun 1957 mereka telah mengirimkan memorandum ka-



pada semua parti politik, termasuk kepada Perdana Menteri Tengku Abdul Rahman sendiri meminta supaya mereka di-benarkan sa-mula mendiami kampong itu.



Akhir-nya permintaan mereka berhasil. Kampong yang tadi-nya telah menjadi hutan, di-bersehkan sa-mula. Jenderam kini sudah mulai subur dan penduduk-nya bekerja keras untuk mengusahakan agar kampong-nya menjadi ma'amor seperti sembilan tahun yang silam.

MEMBANGUN

Semua rumah2 di-kampung ini di-buat sendiri oleh mereka. Kerajaan hanya memberi sa-banyak \$250 kepada tiap2 keluarga untuk membangun kampung itu sa-mula.

Kerajaan juga telah menyediakan \$15 untuk tiap2 satu rantai bagi membena jalan raya kampung itu. Kerajaan telah membuka peluang kepada penduduk2 kampung itu untuk bekerja dengan Jabatan Parit dan Tali Ayer.

Keadaan sungai dan tali ayer kampung itu telah ditutup oleh rimba. Oleh Jabatan Tali Ayer telah dikeluarkan biaya untuk

membaiki parit2 dan tali ayer tersebut.

Kerajaan Selangor telah mengeluarkan biaya sa-banyak \$13.000 untuk membaiki masjid kampung itu. Sa-banyak \$12,500 telah dikeluarkan oleh Kerajaan bagi membena sa-buah balai raya yang mempunyai dua buah blek, sa-buah dapor, sa-buah kolam dan kerusi meja.

RUNDINGAN

Balai ini di-untokkan kepada pemuda2 dan orang2 kampung mengadakan perundingan bagi menyusun dan membaiki masharakat kampung mereka.

Sa-buah sekolah kebangsaan telah di-bena juga. Sekolah ini menelan perbelanjaan sa-banyak \$86.000, yang di-keluarkan oleh Kerajaan Persekutuan.

Klinik untuk kemudahan2 penduduk Jenderam dan sa-buah balai polis kecil ia-lah kemudahan2 lain untuk kampung yang baharu membangun ini.

Sawah2 telah pun menguning. berarti bahawa penduduk2 Jenderam akan kembali merasai hasil keringat mereka sendiri



kebanyakan penduduk di
kampong ini bertani dan
berkebun getah sa-bagai
mata pencharian yang
utama.

Satu hal yang boleh di-
puji dalam memperkatakan
pendudok2 kampong ini ia-
lah mereka mempunyai se-
mangat gotong royong da-
lam membena kampong
itu.



Gambar ini menunjokkan sa-buah sekolah kebangsaan yang baharu sa-
haja di-dirikan di-Kampong Jenderam, satu usaha yang di-lancharkan
dalam rangka pembangunan kampong itu.

NLB

[Contact Us](#) [Feedback](#) [FAQ](#)



[Report Vulnerability](#) [Terms of Use](#) [Linking Disclaimer](#) [Privacy Statement](#) [Takedown Policy](#)

©2026 Government of Singapore
Last Updated 2023-01-31